



Broj: 1333/24
Sarajevo, 02.10.2024. godine

Na osnovu člana 64. stav 1. tačka b, člana 25. i člana 70. stav 1., 3. i 6. Zakona o javnim nabavkama ("Službeni glasnik BiH", broj: 39/14 i 59/22), Pravilnika o javnim nabavkama broj: 1209/23 od 21.12.2023. godine i Preporuke Komisije za provođenje postupka javne nabavke broj: 1326-3/24 od 30.09.2024. godine, Direktor *donosi*:

ODLUKU

- o izboru najpovoljnijeg ponuđača za nabavku -

USLUGE OBJAVLJIVANJA OGLASA U SLUŽBENIM GLASILIMA I DNEVNIM NOVINAMA/ LOT 1

47

Član 1.

Prihvata se Preporuka o izboru najpovoljnijeg ponuđača Komisije za javne nabavke broj: 1326-3/24 od 30.09.2024. godine i ugovor za nabavku 47 – Usluge objavljivanja oglasa u službenim glasilima i dnevnim novinama/ LOT 1 se dodjeljuje ponuđaču:

JP NIO "Službeni list" d.o.o. Sarajevo

prema ponudi broj: 5-1-05-1-482/2-24 od 26.09.2024. godine, za ponuđenu cijenu bez uračunatog PDV-a u iznosu od:

3.229,04 KM

(slovima: trihiljadedvijestotinedvadesetdevet i 04/100 KM).

kao najpovoljnije ocijenjenom ponuđaču.

Član 2.

Izabrani ponuđač je dužan, da u roku od 5 (pet) dana od dana prijema ove Odluke, dostavi originale ili ovjerene kopije dokumentacije iz člana 45. Zakona o javnim nabavkama (ukoliko ponuđač iste nije dostavio u svojoj ponudi). Ukoliko izabrani ponuđač ne dostavi traženu dokumentaciju u određenom roku ili je dostavi na nepropisan i nepotpun način, ugovor za javnu nabavku će se dodjeliti drugorangiranom ponuđaču, u skladu sa članom 72. stav 3. Zakona o javnim nabavkama.

Član 3.

Prijedlog ugovora o nabavci dostavit će se na potpis izabranom ponuđaču, u roku od 10 (deset) dana, računajući od dana kada su svi ponuđači obavješteni o izboru najpovoljnije ponude.

Član 4.

Za izvršenje ove Odluke ovlašćuje se i zadužuje Služba za finansije, računovodstvo i javne nabavke.

Član 5.

Ova Odluka će biti objavljena na Oglasnoj ploči i web stranici Preduzeća, istovremeno sa upućivanjem iste ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.



Obrazloženje

Potupak javne nabavke pokrenut je Odlukom o pokretanju postupka javne nabavke broj: 639/24 od dana 28.05.2024. godine. Javna nabavka je provedena putem "**konkurentskog zahtjeva za dostavu ponuda**".

Obavještenje o nabavci broj: 20712-7-2-87-3-42/24 poslato je na objavu dana 10.09.2024. godine, a objavljeno je na Portalu javnih nabavki Bosne i Hercegovine dana 10.09.2024. godine u 15:45 sati. Komisija za provođenje postupka javne nabavke imenovana je Odlukom Direktora Preduzeća broj: 1212/24 od 10.09.2024. godine.

U roku za preuzimanje, tendersku dokumentaciju je preuzelo 7 (sedam) ponuđača (u prilogu Izvještaj o preuzimanju tenderske dokumentacije od strane ponuđača sa Portala javnih nabavki Bosne i Hercegovine www.ejn.gov.ba). Nakon isteka roka za podnošenje ponuda evidentirano je da je putem protokola u zatvorenim kovertama pristigla sljedeće ponuda:

1. JP NIO "Službeni list BiH" d.o.o. Sarajevo, broj: 1321/24, datum: 27.09.2024. godine u 14:40 sati.

Dana 30.09.2024. godine u 11:30 sati, Komisija za provođenje postupka javne nabavke je izvršila javno otvaranje pritiglih ponuda sačinivši o tome Zapisnik o otvaranju ponuda broj: 1325/24 od 30.09.2024. godine, te shodno članu 65. Zakona o javnim nabavkama, izvršila pregled i ocjenu pristiglih ponuda. Uvidom u priloženu dokumentaciju i suštinskom provjerom sadržaja i validnosti dokumentacije, Komisija je utvrdila da pristigla ponuda ispunjava formalno – pravne i tehničke zahtjeve ugovornog organa, odnosno da je prihvatljiva za Ugovorni organ i da može biti predmet vrednovanja shodno utvrđenim kriterijima.


Obzirom da je utvrđeno da je samo 1 (jedna) ponuda prihvatljiva za Ugovorni organ, u skladu sa članom 4. stav (2) Pravilnika o uslovima i korištenju e-aukcije ("Službeni glasnik BiH", broj: 80/23) u kojem je navedeno "*U slučaju prijema jedne prihvatljive ponude e-aukcija se na zakazuje*", ista nije niti zakazana.

Komisija za provođenje postupka javne nabavke je dana 02.10.2024. godine dostavila Preporuku o izboru najpovoljnijeg ponuđača broj: 1326-3/24 od 30.09.2024. godine zajedno sa Izvještajem o provedenom postupku nabavke broj: 1326-2/24 od 30.09.2024. godine, Zapisnikom o ocjeni ponuda broj: 1326-1/24 od 30.09.2024. godine u postupku javne nabavke broj: 47 – Usluge objavljivanja oglasa u službenim glasilima i dnevnim novinama.

U postupku, prema Izveštaju o radu, utvrđeno je da je Komisija za javnu nabavku blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajući zapisnik i izvještaj u kojima je utvrđeno sljedeće:

- da je broj pristiglih ponuda: 1 (jedna),
- da je blagovremeno zaprimljena 1 (jedna) ponuda,
- da nema neblagovremeno zaprimljenih ponuda,
- da je ponuda ponuđača: JP NIO "Službeni list BiH" d.o.o. Sarajevo prihvatljiva,
- da nema neprihvatljivih ponuda.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno kriterijiu iz tenderske dokumentacije. U postupku ocjene provedenog postupka, Direktor nije našao razloge, nepravilnosti, niti propuste u radu koji bi, eventualno, bili osnov za neprihvatanje preporuke Komisije za provođenje postupka javne nabavke. Naime, ocjenjeno je da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.



**Javno preduzeće za upravljanje i održavanje objekata u vlasništvu Općine
Novo Sarajevo "ONSA" d.o.o. Sarajevo**

Uvidom u priloženu dokumentaciju, nesporno je da je izabrani ponuđač najbolje ocjenjen, primjenjujući kriterij "**najniža cijena**", te da je rang lista prihvatljivih ponuda/ponuđača sljedeća:

1. JP NIO "Službeni list BiH" d.o.o. Sarajevo sa ukupnom cijenom ponude **3.229,04 KM (bez PDV-a)**.

Cijeneći navedenu rang listu i kriterij za vrednovanje, ugovor za javnu nabavku – 47 – Usluge objavljivanja oglasa u službenim glasilima i dnevnim novinama/ LOT 1 se dodjeljuje ponuđaču:

JP NIO "Službeni list" d.o.o. Sarajevo

prema ponudi broj: 5-1-05-1-482/2-24 od 26.09.2024. godine, za ponuđenu cijenu bez uračunatog PDV-a u iznosu od:

3.229,04 KM

(slovima: trihiljadedvijestotinedvadesetdevet i 04/100 KM).

Iz navedenih razloga, primjenom člana 64. stav 1. tačka b, člana 25. i člana 70. stav 1., 3. i 6. Zakona o javnim nabavkama ("Službeni glasnik BiH", broj: 39/14 i 59/22), Pravilnika o javnim nabavkama broj: 1209/23 od 21.12.2023. godine, odlučeno je kao u dispozitivu.

POUKA O PRAVNOM LIJEKU: Protiv ove Odluke moguće je izjaviti žalbu, najkasnije u roku od 10 (deset) dana od dana prijema ove Odluke. Žalba se izjavljuje ugovornom organu, kao prvostepenoj instanci u žalbenom postupku, u pisanoj formi i najmanje 3 (tri) primjerka.



Direktor

Anel Tahirbegović

Dostaviti:

1. Ponuđaču: JP NIO "Službeni list BiH" d.o.o. Sarajevo,
2. Službi za finansije, računovodstvo i javne nabavke,
3. Oglasna ploča (web),
4. Arhiva.